



Elternsprechtag

Frau Lehrerin, se ha min Jong hart geschannt
On ha gesäd, hä wör en Dabbes us dm Sejerland
Weil hä schribt bim Diktat net "was" sonnern "wat"
So es dat bi oos, he wird so geschwatt

Weje dem "Wat" goawe se däm Jong en glatte Sechs
Doageje protestiern ech offiziell, sie ahle ... Mamsell

Et es woahr, bi oos doaheim, doa schwätze mr so
On dat söll eijentlech och en Lehrerschmense verstoah

Noa dr Schreft ze schwätze lehrn de Lü va allei,
Min Jong leest morjens us dr Bevel on oavends em Bedde Karl May

Abraham, Jesus, Maria on dr Ahl Schmetter-Hand
Die Lü sin en doch gewess net obekannt

Dr Schmetter-Hand säd for "Guten Tach" "Meschur"
Wie wenn hä direkt us dr Nochberschaft wur
Platt schwatte em Sterve sogar dr Winnetou
"Min Broer, ech hör Glöckelcher lüre, hör du och got zo"

Wenn en weller Apatsche Platt on noa dr Schreft schwätze ka
Da steln se sech e dr Schoarl weje minem Jong net so a